

68.  
DEO OPTIM. MAX.

UNI ET TRINO,

VIRGINI DEI-PARÆ, ET S. LUÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,

*manè discutienda, in Scholis Medicorum, die Jovis aecimâ tertiâ  
mensis Decembris, anno Domini M. DCC. LXIV.*



M. FRANCISCO PORTIER DE LA HOUSSINIÈRE,  
Doctore Medico, Præside.

*An sua sit cuique ætati peculiaris Evacuatio?*

I.



D longævitatē si perveniat homo, varias patitur mutationes, non solum à circumstantibus cum undiquē incommodis, sed ab intus sibi ingeneratis absolute pendentes. Statis enim temporibus crescit, consistit, & decrementum experitur, donèc senio confectus, fatali necessitate procumbat: has vicissitudines, qui annorum spatiis & intervallis dimens, primum distinxerunt, simul ætates appellavere.

Est igitur ætas illa pars vitæ, in quâ constitutio, & temperamentum notabiliter mutantur. In ipsius primâ periodo, quæ crescens ætas vocatur, infantia, pueritia, & adolescentia deprehenduntur; in secundâ, quæ *Robur* dicitur, juvenus, ætas virilis & consistens. Tertia quæ senectus, dividitur in viridem, mediam & decrepitam. Quanta sit, per has ætates, in animæ corporisque functionibus varietas, omnibus notum est; sed inter tot pericula, quod incolumis sæpè perstet, adeo debilis, & complicata machina, Medicus præcipuè miratur, & Naturam, salutem ipsius ita vigilantem, agnoscere, & venerari cogitur. Ipsa enim vitales motus perficit, animales, & naturales excitat: in his vita consistit, per alios conservatur. Inter plurimas verò functiones, quæ sanitati præsidia sunt, evacuationum tanta est utilitas, ut ex retento intrâ corpus excernendo humore, venenosi delesterii ad instar, mille malorum chronicorum species, acutorum maligna cohors exurgat. Cutis, aures, oculi, nares, oris cavitas, intestina, renes, communia præstant excernentia colatoria, generationis organa, peculiaria. Evacuationum aliæ aquosæ, mucosæ, aliæ sanguinæ. Harum quædam, per totum vitæ decursum, quotidie peraguntur, aliæ periodicè tantum recurrunt. Quædam, aliis evanescentibus succedunt; cum autem quævis ætas, suum peculiare temperamentum habeat, undè peculiaris exsuperat humor; ut sanitas illibata maneat, suam etiam habere debet, peculiarem evacuationem.

A

(a) Gaultius.  
 Pathol. præ-  
 lection.

**P**ARTES quibus homo constat, similibus ubique constantur elementis, in ipsorum vario proportionis, & cohesionis gradu: quærendum discrimen. Solidis autem, singularis est congenita proprietas, vi vitali pollere. *Vis vitalis est illa facultas quæ fibræ stimulum percipere, & ad irritamenti contactum se contrahere possunt.* (a) In corde mirabilis est illa vis, & ipsius veluti emporium esse videtur illud organum. Fluida ut minimè coherentia solidorum parietibus coerceri debebant, & sic, dum ex unâ parte stimuli vices gerit fluidorum latex, ex alterâ in ipsum reagens solidum vivens, illâ constanti & reciproca actione instituitur circulatio, quæ vita ipsa est. Sed non solum fluidis progressivum motum solida præstant, pro diverso etiam laxitatis, elasticitatis, & rigiditatis gradu, dominium alicui ex illis qui ipsorum molem constituunt humori, conciliare possunt, undè temperamentum, & ejus varietates. Homogeneus enim quamvis videatur sanguis, multiplicem tamen in se recondit humorem, serum nempe, partem rubram & fibrosam. In sero aquam exsuperare, in parte rubrà *Phlogiston*, in fibrosâ terram Chemia demonstrat. Solidorum debili & laxâ constitutione, aquosam partem augeri, forti & elasticâ, sanguineam, rigidâ & debili fibrosam, observatione constat. Sic tria tantum emergunt primaria temperamenta, pituitosum scilicet, sanguineum, & quod dicitur melancholicum. Cætera, si quæ sint, ex ipsis sobolescunt.

His præmissis, posita, quam in determinatâ ætate, corpus habere constat, fibrarum debili diathesi, facile, in fluidorum syncrasis notitiam, devenimus, & peculiaris ipsi temperies illucescet. Quo majus enim erit fibræ robur, quo major vasorum elasticitas, eò pituitosa magis temperies ad sanguineam accedet; sed si destituta sanguinis ignea vi, fracto vasorum elatere, exsuccum ferè corpus appareat, sanguinea Idiosyncrasis evanescet, & melancholica dominabitur.

### III.

**H**ÆC autem secundum ætates eveniunt. Infantis enim ferè tota est pulposa compages. Musculi flaccidi, debiles vix exequantur motus, ossa cartilagineam ferè habent flexilitatem, corporis habitus pallet, frigescit, & nisi fame, aut dolore excitaretur infans, somno sepultus diu noctuque jaceret. Sed paulatim cordis aduictâ vi projectili, solida se explicant, sensus evolvuntur, flammula mentis emicat. Musculis paulò fortioribus, & ossium solidescente contextu, statè potest, incedere. Exercitio tumidis corporis habitus minuitur. Impubertas sic labitur, similiter lapsurâ subsequente pubertate. Hic nova rerum facies, solida per hujus ætatis decursum ad extensionis suæ fastigium perveniunt, robur ipsis additur, vox virilis evadit. Lanugo mentum exornat; pili pubem & genitalia ambiunt; prolificum semen quo testes & vesiculæ turgent, ipsa stimulat, & venereos accendit ignes; in sequiori sexu mammae sororiantur, & fluxus menstruus erumpit: voluptatis incendio quo juvenile pectus uritur, eodem carpitur igne puella. Ex succinctâ hujus ætatis delineatione patet, infantis fibras esse debiles, laxas, mollissimas. Illa verò solidorum diathesis debilibus fluida premit ictibus. Globulorum seroforum minor inde fit adunatio, proinde & sanguinis parciore generatio; aquosa pars exsuperat & temperamentum infantis est pituitosum. Sed illa fibræ debilitas pedetentim, oriente pueritiâ, mutatur in paulò solidiorem, magis elasticam; sensibilibus adhuc validiorum oscillationum capax evadit in adolescentiâ, mutabitur ergò pari gradu fluidorum indoles, & ad spissiore magis sanguineam gra-

dietur. Sanguis enim ex Leuwenhoeckii sententiâ generatur dùm vasorum attritu sex minores globuli ferofi in unum adunantur. Ad modò dictam temperiem jam vergebat puer, vergit adhuc magis adolescens, consistente donec adveniente ætate, vir sanguineus vigeat. In illâ namque vitæ periodo solida non elongantur ampliùs, crassescunt, ipforum tonus intenditur. Sed ipsum roboris apicem vix adeptus est homo, cum ex ipso dilabitur, & ad interitum ruit. Sicuti enim vidimus temperiem in pueritiâ è pituitosâ ad sanguineam tendere, itâ desinente ætate consistente è sanguineâ ad melancholicam truditur. Per juveniles æstus nimis exercitata solida rigescunt, debilitantur, muscoli torosi emaciantur, cutis lævis antea, colore vivido nitens, rugis incipit exasperari, livefcit. Viri ad venerem tardi, quin impotentes fiunt, sicut & ad cætera exercitia minùs idonei. In mulieribus mensium fluxus subsistit. Humores minùs attriti jam non parte rubrà divites, mucosam nanciscuntur indolem. Instat verò senectus. Magis ac magis rigida, callosa fiunt vasa, debilitantur, quotidie quadam obliterantur capillaria. Corpus incurvatur, fluidorum moles spissa in extremitatibus stagnat; mucositas ubiquè observatur. In ultimo tamen hujusce ætatis stadio, paulò resolvitur illa humorum qualitas, & senes tunc iterùm pueri facti, ultimo quasi naturæ auxilio ad pituitosam temperiem revertuntur: *sed quod tunc manet sanguinis, tenue, frigidum & paucum pituitam, superare impotens, superatus ipse brevi congelatur.* (b)

(b) Hippoc.  
de morbo sacro.

#### IV.

**I**n omnibus itaque vitæ temporibus quidam humor dominium habet; sed excederet brevi & ex illo excessu infinita suboriantur mala, nisi felici mechanismo superfluum foras eliminaret natura.

Constat etiam observatione peculiarem cuique ætati contingere evacuationem, *cujus ope à superpondio allevantur vasa, & ipsis tantum negotii datur quantum eorum vires ferre possunt.* (c) Primò quidem infantes alvum laxam habent, sapissimè mingunt. Exulcerationes ponè aures, sub axillis, poplitibus experiuntur undè incredibilis copia humidi quotidie excernitur. Ipsorum oculi continuò lacrymis irrorantur; salivosi sunt & mucosi. Secundò, adolescentibus solemnis est seminis secretio, excretio. Glandulæ inguinales, axillares, mucii aquosi, inodori, loco graveolentem liquorem excernunt. In mulieribus periodica instituitur per uterum sanguinis evacuatio, viris frequenter sanguis è naribus stillat. Terriò, ætate consistente degentibus, familiaria sunt è vasis hæmorrhoidalibus stillicidia; adeò regulariter sæpè incidunt ut periodica dicerentur. Turbidarum urinarum fluxus singulis mensibus periodicè redeuntis scrupulosior observavit indagatio; (d) quod & legibus œconomiz animalis statutum esse videtur. (e) Quarto deniquè, suas etiam evacuationes habet ætas decrescens: senes enim mucositates multas excreant, urinas reddunt turbidas, brevi fetentes; ut pueri salivam eructant & mucosi sunt.

(c) Russell.  
œconomiz natura in morbis glandul. acutis.

(d) Sancto-  
rius Medicina  
statica aph.  
65. sect. 1.

(e) Vide  
Thesim aman-  
tissi. coll. D.  
Elie de la  
Poterie. An  
Viris lex ead-  
em que mu-  
lier, period.  
Evacu. pati?

Si verò recentitæ deficiant excretiones, quanta suboriantur mala quis nescit? *Quibuscumque pueris existentibus, inquie Hippocrates, erumpunt ulcera in caput & in aures, ac in reliquum corpus, & qui salivosi fiunt ac mucosi, hi ipsi progressu ætatis, cillimè degunt: qui verò mundi sunt, neque ulcus ullum, neque ulla saliva, neque mucus prodit talibus periculum imminet ut ab epilepsia corripiantur.* (f) Cui morbo etiam addere liceat, parotidum, amygdalium tumores schyrrosos, strumosos, ophthalmias, & frequentes coryzas. Si ipsis constipata fuerit alvus, tormina, motus convulsivo, patiuntur; mensenterii glandulæ infarciuntur, undè rachitis, atrophia, mors. In adolescentiâ quantas strages exarceat à mulieribus menstruario? Qui cœlibes vivunt, solo sublevantur matrimonio. Nisi sanguis è naribus erumpat, nonne

(f) Hippoc  
de morbo sacro.

4

hæmophytes, tabes, febres acutæ, inflammatoriæ, hemicraniæ magis adhuc adollescentibus familiares. Qui verò virilitatem & ætatem consistentem adepti sunt, nisi turbidarum urinarum periodico fluxu, aut hæmorrhoidali stillicidio alleventur, ictero affectibus melancholicis, rhumatismo, arthritide vexantur; quæ quidem mala senibus adhuc graviora, & si per anacatharism, alvum, aut urinas non expurgentur, sæpius ipsa comitantur insultus epileptici, calculus vesicæ, asthmata, artuum tremores, & apoplexia.

# V.

**S**ic moderantur ipsiusmet vitæ effectus, sic funesta quæ in visceribus aggererentur morborum semina evacuantur. Ne objiciās itaque, quodd morbosæ sint plurimæ, de quibus loquutus sum, evacuationes; ne dicas sanitatem ab ipsis debilitari, potius quàm fulciri, refocillari. Ut varias mutationes experiri debet corpus, non solum quæ nutritioni necessaria sunt suppetit, sed omnia semper ita dirigit natura, ut vita sit constantissima. *Ratio enim per quam facultas agit, inquit Medicinæ parens, talis est, parti cuivis apta atque idonea attrahit, retinet, præparat, sive mutat, separato autem quod est utile usus suis adhibet, deinde occupatur in rejiciendo id quod noxium aut superfluum foret.*

Cum igitur observatis constet temperamentum consistere in singulari fibrarum diathesi cum humoris cujusdam dominio, cum constet etiam cuique ætati competere temperamentum, ex his & constanti naturæ lege quam in promovendis evacuationibus sibi imposuisse videtur certa exsurgit nostra conclusio.

*Ergò sua est cuique ætati peculiaris Evacuatio.*

## DOMINI DOCTORES DISPUTATURI.

M. Jacobus GOURLEZ DE LA MOTTE.

M. Claudius-Josephus GENTIL, Militarium Nosocomiorum ad Regis Exercitium Medicus, & rei herbariæ Professor designatus.

M. Ludovicus-Guillelmus LE MONNIER, Consiliarius Medicus Regis ordinarius primarius, Regiarum Parisiensis, Londinensis ac Berolinensis Academicarum socius, & in Horto Regio Botanico Professor ac Demonstrator.

M. Joannes-Baptista BASSEVILLE.

M. Edmundus-Thomas MOREAU, Chirurgiæ Gallici Idiomate Professor designatus.

M. Exuperius-Josephus BERTIN, Supremi Valachiæ & Moldaviæ Principis Medicus, antiquus Regis exercituum & castrorum Medicus Primarius nec non è Regiâ scientiarum Academiâ.

M. Simon-Antonijs BRINGAUD.

M. Joannes-Baptista THURANT.

M. Carolus DIONIS. 1

Proponebat Parisiis LUDOVICUS-CLAUDIUS GUILBERT, Parisiensis, Doctor Medicus Monpelienfis, Regis Exercituum Medicus ordinarius, necnon saluberrimæ Facultatis Medicinæ Parisiensis Baccalaureus Theſeos Auctor. A. R. S. H. 1764. ▲ SEXTA AD MERIDIEM.

Typis F. A. QUILLAU, Universitatis & Facultatis Medicinæ Typographi, 1764.